

卽與陰合德動卽與陽同波此動靜不失其正也故心者形之主也神者

心之寶也神心之舍也形勞而不休卽斃精用而不已則竭是

以聖人遵之不敢越也形者神之宅精者氣之靈相依而生以相違而死聖人貴之不敢輕用也

無應有必究其理以虛受實必窮其節萬物自無而生無所不容

恬愉虛靜以終其命保虛靜達生死無所疏無所親其貴也不可

抱德煬和以順於天與道爲際與德爲鄰不爲福始不爲

禍先死生無變於已故曰至神合乎道德齊乎生死福之不能

若神則以求無不得也以爲無不成也能與天地同道與神靈

爲無不成可謂至神也

守無

道藏輯要

通玄真經

三

女集五

老子曰輕天下卽神無累細萬物卽心不惑無以天下爲萬物

萬物盜則齊生死則意不懾同變化則明不眩知死生以假名

變化以虛誕夫至人倚不撓之柱行無關之途不撓之柱道也

以道爲柱所以無傾稟不竭之府神用無極學不死之師本乎無往

而不遂無之而不通屈伸俯仰抱命不惑而宛轉禍福利害不

足以患心死生無迫於已利害安足介懷夫爲義者可迫以仁而不可劫以兵

存義者可以仁道勸不可以兵威脅可正以義不可懸以利重於義則輕於利也君子死義

不可以富貴留也甯蹈義而死不苟富而生爲義者不可以死亡恐也死義以忘

也又况於無爲者乎無爲者卽無累無累之人以天下爲影柱

影柱虛無也既無形質安所係累夫存義者猶不可以兵威脅之况有道者而可以死亡恐之乎上觀至人之

倫深原道德之意下考世俗之行乃足以羞也羞進也觀古視以進修也夫無以天下為者學之建鼓也夫上古之君無不以公然有為其由擊鼓而欲無聲不應者也

守平

老子曰尊勢厚利人之所貪比之身則賤尊勢者重世而賤身修道者貴身而輕貨

故聖人食足以充虛接氣衣足以蓋形禦寒適情辭餘不貪得

不多積養足而已有餘委之清目不視靜耳不聽閉口不言委心不慮棄

聰明反太素休精神去知故無好無憎是謂大通除穢去累莫

若未始出其宗何為而不成未始出其宗者謂本來虛寂無所貪愛故萬緒紛然皆為穢累故貴

條除還原復樸也知養生之和者即不可懸以利通內外之符者不可

道藏輯要

通玄真經

三

女集五

誘以勢貪利傷生慕世妨道至人之所不為者也無外之外至大無內之內至貴能

知大貴何往不遂大道其出無外其入無內無之不通可謂大貴也

守易

老子曰古之為道者理情性泊心術養以和持以適樂道而忘

賤安德而忘貧得情性之和忘貧賤之品性有不欲無欲而不得心有不樂

無樂而不為有欲則所欲者不足無樂則所適者皆遂無益於性者不以累德不便

於生者不以滑和名利傷德嗜欲害生故不為也不縱身肆意而制度可以為

天下儀自能矜慎可為儀表也量腹而食制形而衣容身而居適情而行

餘天下而不有委萬物而不利豈為貧富貴賤失其性命哉夫

若然者可謂能體道矣惟體道知足者故有餘天下不利萬物豈從欲害奪其性命也